

Bernhard Løland
Kvernvikveien 147

4070 RANDABERG

Deres ref.

Vår ref. (bes oppgitt ved svar)
Sak nr. 2016/12382 / AOD

Dato
25.08.2016

DELEGASJONSSAK RO 51/2016

**SVAR PÅ SØKNAD OM UTVIDA TIDSRAMME FOR HELIKOPTERLØYVE TIL
LÅTERVIKVATNET I FRAFJORDHEIANE LANDSKAPSVERNOMRÅDE, GNR/BNR, 22/28,
FORSAND KOMMUNE**

Viser til søknad datert 24.08.2016 om utvida tidsramme for helikopterløyve til Låtervikvatnet i Frafjordheiane landskapsvernområde.

Forvaltningssekretariatet for Verneområdestyret for Setesdal Vesthei, Ryfylkeheiene og Frafjordheiene har etter delegert mynde fatta det dette vedtaket 25.08.2016.

Med vennleg helsing

Alf Odden
Verneområdeforvaltar SVR

Brevet er godkjent elektronisk og sendast utan underskrift

Vedlegg

- Løyve

Kopi

Forsand kommune, Fylkesmannen i Rogaland, Miljødirektoratet

Vedtak

I medhald av §2, §3, punkt 5.1 og §3, punkt 5.3a i Forskrift om vern av Frafjordheiane landskapsvernområde får Lyse og Flørli sankelag v/Bernhard Løland løyve til å bruke helikopter til transport av materialar, brensel, utstyr og proviant til ei driftshytte sør for Låtervikvatnet på Lyseheia i Forsand kommune.

Transportane skal gå mellom Langavatn og Låtervikvatnet, og det skal nyttast landingspunkt som er teikna inn på kart som følgjer saksutgreiinga.

Løyvet gjeld for inntil 4 transportar i tidsrommet 01.08-11.09.2016.

Løyve blir gjeve med desse vilkåra:

- Flyginga mellom landingspunkta skal skje etter kortaste rute
- For å redusere forstyrring av bufe, vilt og fotturistar, skal helikopteret så langt det er råd ikkje flyge lågare enn 300 m over bakken mellom landingspunkta
- Det må innhentast naudsynt landingsløyve frå grunneigar, samt Forsand kommune.
- Andre vilkår går fram av standard løyve

Klagerett

Vedtaket kan påklagast til verneområdestyret. Klagefristen er tre veker frå den dagen brevet kom fram til påført adressat. Det er nok at klaga er postlagd innan denne fristen.

Skriftleg klage skal sendast til SVR, Postboks 24, 4748 Rysstad. Oppgjev kva for eit vedtak det vert klaga på, dei endringane klagar ynskjer og grunngjeving for klaga. Dersom det vert klaga så seint at det kan vere tvil om det er klaga i rett tid, må det opplysast når brevet kom fram.

Bakgrunn for søknaden

Viser til søknad datert 24.08.2016 og telefonsamtale med søkar 23.08.2016..

Bernhard Løland søker om å få utvida tidsramma for eksisterande løyve til helikoptertransport til Låtervikvatnet i Frafjordheiane landskapsvernområde i Forsand kommune. Løyvet som vart gjeve i delegasjonssak RO 42/2016 gjeldt for inntil fire transportar i tidsrommet 01-31.07.2016. Ettersom det truleg blir utåd for søkar å gjennomføre helikoptertransportane i august, ber han om at løyvet blir utvida fram til 11.09.2016. Søknaden omfattar transport av bygningsmaterialar og vedovn til driftehytta ved Låtervikvatnet.

Vurdering

Så langt forvaltningssekretariatet kjenner til er det ikkje nye moment i saken som skulle tilsi at tidsramma for løyvet ikkje skulle kunne utvidast fram til 11.09.2016.

Konklusjon

Dei omsøkte transportane vil berre i liten og forbigående grad ha negativ innverknad på verneverdiane i Frafjordheiane landskapsvernområde og transportane kjem ikkje i konflikt med verneførmålet.